

絕妙好詞箋

戊午嘉平得於歷下

曲水亭

荷汀記



絕妙好詞箋卷五

弁陽老人周密原輯

宛平查爲仁

錢唐厲

鶚

同箋

陳允平

允平字君衡一字衡仲四明人著有西麓詩稿一卷繼周集一卷日湖漁唱二卷張叔夏云詞欲雅而正志之所之一爲物役則失其雅正之音近代陳西麓所作平正亦有佳者

絳都春

鞦韆倦倚正海棠牛坼不奈春寒
殢雨弄晴飛梭庭院
繡簾閑梅妝欲試芳情懶
翠顰愁入眉彎
霧蟬香冷霞

銷淚。搗恨。襲湘蘭。悄悄池臺步晚。任紅醺杏。壓碧沁
苔痕。燕子未來。東風無語。又黃昏。琴心不度香雲遠。斷
腸難託。啼鵲夜深猶倚。垂楊二十四闌。

日湖漁唱自注云舊
上聲韵今改平聲

瑞鶴仙

燕歸簾半捲。正漏約瓊籤。笙調玉琯。蛾眉畫來淺。甚春
衫懶試。夜燈慵剪。香溫夢暖。訴芳心。芭蕉未展。眇雙波
望極江空。二十四橋凭徧。蔥蒨銀屏。綵鳳霧帳。金蟬
舊家坊院。煙花弄晚。芳草恨。斷魂遠。對東風無語。綠陰

深處時見飛紅數片。算多情、尙有黃鸝。向人睨睨。

思佳客

錦幄沉沉寶篆殘。惜春無語倚欄杆。庭前芳草空惆悵。
簾外飛花自往還。金屋靜，玉簫閑。一樽芳酒駐紅顏。
東風落盡酴醾雪。滿地清香夜不寒。

戀繡衾

多情無語歛黛眉。寄相思、偏仗柳枝。待折向樽前唱。奈
東風吹作絮飛。歸來醉抱琵琶睡。正酒醒、香盡漏移。
無賴是梨花夢。被月明、偏照翠帷。

唐多令

休去採芙蓉。秋江煙水空。帶斜陽一片征鴻。欲頓閑愁
無頓處。都著在。兩眉峯。心事寄題紅。畫橋流水東。斷
腸人無奈。秋濃。回首層樓歸去嬾。早新月。挂梧桐。

滿江紅

和清
真韻

目斷煙江。相思字。難憑鴈足。從別後。翠眉慵嬾。素腰如
束。困倚牙牀春繡嬾。釧金斜隱香腮肉。晝漸長。誰與對
文枰。翻新局。枝上鵲。心期卜。芳草暗。西廂曲。謝多情
海燕。伴愁華屋。明月空圓。幾蝶夢。綵雲難駐。孤鸞宿。任

畫簾不捲玉鈎閒。楊花撲。

秋蕊香

晚酌宜城酒。暖玉軟嫩紅潮面。醉中窈窕度嬌眼。不識
愁深愁淺。繡窗一縷香絨線。繫雙燕。海棠滿地夕陽
遠。明月笙歌別院。

一落索

欲寄相思愁苦倩流紅去。淚花寫不斷離懷。都化作無
情雨。渺渺莫雲江樹。淡煙橫素。六橋飛絮。夕陽西盡
總是春歸處。

垂楊

銀屏夢覺漸淺黃嫩綠一聲鶯小。細雨輕塵。建章初閉。
東風悄。依然千樹長安道。翠雲鎖玉窗深窈。斷腸人空。
倚斜陽。帶舊愁多少。還是清明過了。任煙縷露條碧。
纖青嫋。恨隔天涯。幾回惆悵。蘇隄曉。飛花滿地誰爲掃。
甚薄倖。隨波縹緲。縱啼鴉不喚春歸人自老。

詞旨警句燕子未來東風無語又黃昏琴心不度
春雲遠斷腸難託啼鴉夜深猶倚垂楊二十四闌
絳都春寄相思偏仗柳枝待折向樽前唱怕東風
吹作絮飛縹緲衾

日湖漁唱齊天樂。澤國樓偶登云湖光偶在闌
干外凭虛遠迷三楚舊柳猶青平蕪自碧幾度

朝昏煙雨天涯倦旅愛小却遊鞭共揮談塵頓
覺塵清宦情高下等風絮芝山蒼翠縹緲黯然
仙夢杳吟思飛去故國樓臺斜陽巷陌回首白
雲何處無愛訪古對雙塔棲鴉半汀歸鷺立盡
荷香月朗人笑語綺羅香秋雨雁字蒼寒蛩
疏翠冷又是淒涼時候小揭珠簾衣潤唾花羅
皺饒曉鷺獨立衰荷遡歸燕尙栖殘柳想黃花
羞涇東離斷無新句到重九孤檠清夢易覺腸
斷唐宮舊事聲迷官漏滴入愁心秋似玉樓人
瘦煙檻外催下梧桐帶西風亂捎鴛鴦記畫簷
燈影沉沉其裁春夜非

張炎山中白雲解連環拜陳西麓墓云句章城
郭問千年往事幾回歸鶴嘆貞元朝士無多又
日冷湖陰柳邊門鑰向北來時無處認江南花
落縱荷衣米改病損茂陵終是蕭索山中故人
去却伯碑寒峴首舊景如昨悵二喬空老春深
正歌斷簾空草昏銅雀楚魄難招被萬疊閑雲
迷著料應是聽應聽雨朝吟夜壑原注山中樓

扁萬
疊雲

張樞

樞字斗南號寄閑西秦人居臨安循王之後善詞
名世好炎能傳其家學見鄧牧伯于琴

瑞鶴仙

捲簾人睡起。放燕子歸來商量春事。風光又能幾。減芳
菲都在賣花聲裏。吟邊眼底。披嫩綠移紅換紫。甚等閑
半委東風。半委小溪流水。還是苔痕瀟雨。竹影留雲。
待晴猶未。蘭舟靜艤。西湖上多少歌吹。粉蝶兒守定落
花不去。溼重尋香兩翅。怎知人一點新愁。寸心萬里。

風入松

春寒懶下碧雲樓。花事等閑休。紅綃溼透鞦韆索。記伴
仙曾倚嬌柔。重疊黃金約臂。玲瓏翠玉搔頭。熏誰
熨煖衣篝。消遣酒醒愁。舊巢未著新來燕。任珠簾不上
瑣鈎。何處東風院宇。數聲揭調甘州。

南歌子

柳戶朝雲溼。花窗午篆清。東風未放十分晴。留戀海棠
顏色過清明。壘潤棲新燕。籠深鎖舊鶯。琵琶可是不
堪聽。無奈愁人把做斷腸聲。

謁金門

春夢怯人靜。玉閨平帖。睡起眉心端正貼。綽枝雙杏葉。
重整金泥蹀躞。紅皺石榴裙褶。款步花陰尋蛺蝶。玉
纖和粉捻。

慶宮春

斜日明霞。殘虹分雨。軟風淺掠蘋波。聲冷瑤笙。情疎寶
扇。酒醒無奈。秋何彩雲輕散。漫敲缺銅壺。浩歌眉痕留
怨。依依約遠峯。學斂雙蛾。銀牀露洗涼柯。屏掩香銷。忍
掃裯羅。楚驛梅邊。吳江楓畔。庾郎從此愁多。草蟲喧砌。

料催織迴文鳳梭。相思遙夜。簾捲翠樓。月冷星河。

壺中天

月夕登繪幅堂與
貧房各賦一解

鴈橫迴碧。漸煙收極浦。漁唱催晚。臨水樓臺。乘醉倚雲
引吟情。閑遠。露脚飛涼。山眉鎖暝。玉宇冰奩滿。平波不
動。桂華底。印清淺。應是瓊斧修成。鉛霜擣就。舞霓裳
曲遍。窈窕西窗誰弄影。紅冷芙蓉深苑。賦雪詞工。留雲
歌斷。偏惹文簫怨。人歸鶴唳。翠簾十二空捲。

周密蘋洲漁笛譜瑞鶴仙湖上繪幅堂云翠屏圍
畫錦正柳纖煙綃花明春鏡層欄幾回凭看六橋
煙曉兩堤鷗眠晴嵐隱隱映金碧樓臺遠近謾曾
誇萬幅丹青畫幅畫應難盡那更波涵月影露裛

蓮妝水描梅影調朱弄粉憑誰寫四時景問玉奩
西子山眉波盼多少濃施淡暈算何如付與吟翁
緩吟細品按并陽詞繪幅堂在湖上考武林舊事
諸書不載始末未詳
詞旨屬對金谷移春玉壺貯暖擁石池臺約花闌
檻

警句甚等閑半委東風半委小溪流水瑞鶴仙粉
蝶兒守定落花不去溼重尋香兩翅同上雲引吟
情閑遠壺中天

詞眼移紅換紫

陳允平日湖漁唱木蘭花慢和李箕房題張寄
閑家圃韻云愛吟休問瘦爲詩句幾憑闌景可
畫亭臺宜春帳箔如寄身閑胸中四時勝有小
蓬萊幻出五雲間一掬蘋香暗沼半梢松影虛
壇相看倦羽久知還回首鷺盟寒記步屨尋雲
呼燈聽雨越嶺吳巒幽情未應共嬾把周郎舊
曲譜新翻簾外垂楊
自舞爲君時按弓彎

李 演

演字廣翁號秋
堂有盟鷗集

摸魚兒

太胡

又西風四橋疎柳驚蟬相對秋語。瓊荷萬笠花雲重。嫋
嫋紅衣如舞。鴻北去。渺岸芷汀芳幾點斜陽字。吳亭舊
樹。又繫我扁舟。漁鄉釣里秋色淡歸鷺。長干路。草莽
疎煙斷墅。商歌如寫。羈旅丹溪翠岫登臨事。苔屐尙黏
蒼土。鷗且住。怕日冷吟魂婉冉空江暮。明燈暗浦更短
笛銜風長雲弄晚天際畫秋句。

聲聲慢

輕鞦繡谷柔屐煙隄六年遺賞新續小舫重來惟有寒
沙鷗熟徘徊舊情易冷但溶溶翠波如縠愁望遠甚雲
銷月老莫山自綠 嚙咲人生悲樂且聽我樽前漁歌
樵曲舊閣塵封長得樹陰如屋淒涼五橋歸路載寒秀
一枝疎玉翠袖薄晚無言空倚修竹

遂昌雜錄云錢唐湖上舊多行樂處西太乙宮四
聖觀皆在孤山西太乙成後西出斷橋夾蘇公堤
皆植花柳時時有小亭館可憩宮有景福之門迎
真之館黃庭之殿結構之巧丹雘之麗真擅蓬萊
道山之勝余童時尚記孤山之陰一小亭在高阜
上曰歲寒繚亭皆古梅下臨水曰挹翠閣上下皆

拱斗砌成
極爲宏麗

醉桃源

題小
扇

雙鴛初放步雲輕。香簾蒸未晴。杏鎔暗淚結紅冰。留春
蝴蝶情。寒薄薄。日陰陰。錦鳩花底鳴。春懷一似草無
憑。東風吹又生。

南鄉子

夜宴燕
子樓

芳水戲桃英。小滴燕支浸綠雲。待覓瓊觚藏綵信。流春
不似題紅。易得沉。天上許飛瓊。吹下蓉笙染玉塵。可
惜素鸞留不得。更深。誤剪燈花斷了心。

八六子

次箕
房韻

乍鷗邊一番腴綠流紅又怨蘋花看晚吹約晴歸路夕
陽分落漁家輕雲半遮
縈情芳草無涯還報舞香一
曲玉瓢幾許春華正細柳青煙舊時芳陌小桃朱戶去
年人面誰知此日重來繫馬東風淡墨畝鴉黯窗紗人
歸綠陰自斜

祝英臺近

次箕
房韻

采芳蘋縈去艣歸步翠微雨柳色如波縈恨滿煙浦東
君若是多情未應花老心已在綠成陰處
困無語柔